

Concepto	Puntuacións parciais	Total
1. Antigüidade (máximo 3 puntos) Por cada ano de funcionario de carreira no corpo docente.....	0,50	
2. Méritos académicos (máximo 2 puntos)		
2.1. Polo título de doutor.....	1	
2.2. Titulacións segundo ciclo.....	0,5	
2.3. Titulacións primeiro ciclo.....	0,25	
3. Formación e perfeccionamento (máximo 6 puntos)		
3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas (0,10 puntos por c/10 horas).....	Ata 2 puntos	
3.2. Por outras actividades de formación.....	Ata 1 punto	
3.3. Por actividades de formación específica directamente relacionadas co posto de asesor ó que se pretende acceder.....	Ata 3 puntos	
4. Publicacións, proxectos, innovacións técnicas (máximo 3 puntos)		
4.1. Por publicacións de carácter didáctico, de carácter xeral.....	Ata 1 punto	
4.2. Por publicacións de carácter didáctico relacionadas coa praza que solicita.....	Ata 2 puntos	
5. Servicios como asesor (máximo 2 puntos) Por cada ano de servizo en postos da Administración educativa relacionadas coas funcións do posto de asesor que solicita.....	0,20	

Orde do 3 de marzo de 2004 pola que se convoca concurso de méritos específico entre funcionarios de carreira dos corpos docentes que imparten ensinanzas en niveis non universitarios, para cubrir en postos de profesores en prazas sometidas a convenio ou a programas específicos da Consellería de Educación e Ordenación Universitaria.

O Decreto 244/1999, do 29 de xullo, polo que se regula a cobertura de diversas prazas por funcionarios públicos docentes que imparten ensinanzas de niveis non universitarios prevé, no seu artigo 3.2º, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria; as devanditas prazas deberán ser provistas a través dun concurso específico de méritos para a súa provisión mediante nomeamento temporal con reserva do posto de traballo de orixe e polo tempo que se estableza na correspondente convocatoria, que en ningún caso poderá exceder en máis de seis anos.

Así mesmo, o artigo 5 do devandito decreto establece que se poden cubrir por este mesmo procedemento aquelas prazas que, segundo as previsións que contén o artigo 59 da Lei orgánica 1/1990, do 3 de outubro, de educación xeral do sistema educativo, favorezan as elaboracións de proxectos, innovacións curriculares, metodolóxicas, etc. entre as que existen prazas de recente implantación ou de difícil cobertura polo procedemento ordinario.

Ó ser necesaria a provisión de distintas prazas por mor dos diversos convenios entre a Administración educativa e distintas institucións ou entidades a que se refire o artigo 3 do Decreto 244/1999, do 29 de xullo, e outras incluídas no artigo 5 do devandito decreto, e tendo en conta a habilitación que figura na disposición derradeira primeira do mesmo decreto, que autoriza o conselleiro de Educación e Ordenación Universitaria para dicta-las disposicións que sexan precisas para a súa aplicación e desenvolvemento.

Esta Consellería de Educación e Ordenación Universitaria

DISPÓN:

Primeiro.-Convocar concurso público de méritos específico entre funcionarios de carreira dos corpos docentes que impartan ensinanzas de niveis non uni-

versitarios, para adxudicar en comisión de servizos as prazas que figuran no anexo I desta orde.

Segundo.-Poderán participar nesta convocatoria os funcionarios de carreira dos corpos docentes que impartan ensinanzas de niveis non universitarios con destino actual no ámbito da Comunidade Autónoma de Galicia, que contén, polo menos, con tres anos de servizo como docentes en centros públicos, contabilizados ata o 31 de agosto de 2004, e xustifiquen documentalmente reuni-los requisitos sinalados para cada posto.

Terceiro.-O prazo para a presentación de instancias para tomar parte nesta convocatoria, dirixidas ó director xeral de Persoal, será dun mes a partir do día seguinte ó da publicación desta orde e poderán presentarse no rexistro xeral da Consellería de Educación e Ordenación Universitaria, nas delegacións provinciais, ou ben na forma prevista no artigo 38.4º da Lei de réxime xurídico das administracións públicas e do procedemento administrativo común. No suposto de optar pola presentación da solicitude e demais documentación ante a oficina de correos, farase en sobre aberto para que a instancia sexa selada e datada polo funcionario de correos antes de ser certificada.

Unha vez rematado o prazo de presentación de instancias e demais documentación non se admitirá ningunha modificación nas peticións formuladas. Non obstante o anterior, admitirase renuncia á participación no concurso de méritos específico dentro do prazo establecido para as reclamacións sinaladas no punto sexto, entendendo que tal renuncia afecta tódalas peticións formuladas.

Cuarto.-Aínda que se concursa a máis dunha praza, os concursantes presentarán unha única instancia, acompañada dunha fotocopia desta e unha folla de alegacións e autobaremación, axustada ó modelo que se porá á disposición dos interesados nas delegacións provinciais da Consellería de Educación e Ordenación Universitaria e simultaneamente presentarán, para a demostración dos méritos, os documentos que se indican no baremo que aparece como anexo II.

Os concursantes presentarán, ademais:

-Proxecto de traballo sobre as liñas básicas de actuación para o desenvolvemento das funcións inherentes ó posto que se solicita, tendo en conta as súas características, cunha extensión máxima de 20 folios.

Tódalas fotocopias que se remitan deberán ir acompañadas das dilixencias de compulsa, expeditas

polos directores dos centros ou das delegacións provinciais da Consellería de Educación e Ordenación Universitaria. Non se admitirá ningunha fotocopia que careza da dilixencia de compulsa.

Quinto.-A selección dos aspirantes será realizada por unha comisión, integrada polo seguintes membros:

-Presidente: o secretario xeral ou persoa en quen delegue.

-Vocais: ata un máximo de catro vocais, coa categoría de subdirectores xerais ou xefes de servizo da Consellería de Educación e Ordenación Universitaria ou membros da Inspección Educativa.

-Un funcionario da Consellería de Educación e Ordenación Universitaria, que actuará como secretario con voz e sen voto.

-Os sindicatos integrantes da mesa sectorial de persoal docente non universitario poderán nomear un representante para asistir ás sesións da comisión.

-A comisión poderá solicita-la incorporación ós seus traballos de asesores especialistas, limitándose os devanditos asesores a presta-la súa colaboración.

Sexto.-Para a valoración dos puntos 1, 2, 3.1, 3.2 e 4.1 do baremo establecido no anexo II, a comisión de selección poderá delegar esta función nunha subcomisión formada por funcionarios da Dirección Xeral de Persoal da Consellería de Educación e Ordenación Universitaria. Unha vez feita esta, os resultados serán publicados nos taboleiros de anuncios da consellería e das delegacións provinciais, así como no enderezo electrónico <http://www.edu.xunta.es/persoal/concursos>, sinalando a relación de excluídos e a causa da súa exclusión, e establecendo un prazo de 10 días naturais desde a súa exposición para presenta-las reclamacións que procedan.

Tódolos aspirantes que obteñan unha puntuación mínima de 4 puntos no proxecto poderán ser convocados pola comisión de selección á realización dunha entrevista para mellor aprecia-las circunstancias que concorren neles, e que versará sobre o proxecto presentado.

Sétimo.-Os membros da comisión e subcomisión estarán suxeitos ás causas de abstención e recusación establecidas nos artigos 28 e 29 da Lei de réxime xurídico das administracións públicas e do procedemento administrativo común, e terán dereito a percibir asistencias e axudas de custo por concorreren ás sesións, conforme o Decreto 144/2001, do 7 de xuño (DOG do 25 de xuño), estando cualificadas na categoría primeira.

Oitavo.-Aqueles aspirantes que non acaden unha puntuación mínima de 4 puntos no proxecto e de 4 puntos na entrevista, no caso de ter lugar, non poderán ser propostos pola comisión. Serán seleccionados aqueles aspirantes que, obtendo as puntuacións mínimas sinaladas, acaden as maiores puntuacións no total dos puntos recollidos no baremo establecido no anexo II, para a praza que solicitan.

Noveno.-No caso de producirse empates no total das puntuacións outorgadas, estes resolveranse atendendo sucesivamente, e por esta orde, á maior puntuación nos puntos 5, 1, 3.3, 4.2, 3.1, 3.2, 4.1 e 2.

Décimo.-Unha vez realizado todo o proceso anterior, a comisión de selección proporalle ó conselleiro de Educación e Ordenación Universitaria a adxudicación dos postos, que será obxecto de publicación no *Diario Oficial de Galicia*, e pola que se entenderán notificados, para tódolos efectos, os concursantes ós que lles afecte. Contra esta resolución poderase interpoñer potestativamente recurso de reposición perante este mesmo órgano, no prazo dun mes contado a partir do día seguinte ó da súa publicación. De non considerar oportuna a interposición do citado recurso, poderase formular directamente recurso contencioso-administrativo, no prazo de dous meses, conforme se establece nos capítulos II e III da Lei 29/1998, do 13 de xullo, reguladora da xurisdicción contencioso-administrativa.

Décimo primeiro.-O prazo máximo para notifica-la resolución deste procedemento será de seis meses contados desde o día da súa publicación no *Diario Oficial de Galicia*, tendo efectos desestimatorios a falta de resolución expresa nese período.

Décimo segundo.-Os seleccionados deberán incorporarse ás prazas obtidas con data do 1 de setembro do ano 2004, cesando no seu destino de procedencia o 31 de agosto do mesmo ano.

As prazas adxudicadas serano en comisión de servizos, por un período de dous anos e un máximo de seis e con reserva do posto de traballo de orixe, de acordo co disposto no punto 2º do artigo 3 do Decreto 244/1999, do 29 de xullo.

Disposicións derradeiras

Primeira.-Autorízase a Dirección Xeral de Persoal para dicta-las disposicións que sexan necesarias para a aplicación e o desenvolvemento desta orde.

Segunda.-Esta orde entrará en vigor o día seguinte ó da súa publicación no *Diario Oficial de Galicia*. Santiago de Compostela, 3 de marzo de 2004.

Celso Currás Fernández

Conselleiro de Educación e Ordenación Universitaria

ANEXO I

Convenio: Cáritas Diocesana de Lugo para o desenvolvemento do programa de educación compensatoria Preescolar na Casa

Nº de posto	Destino	Prazas	Funcións	Observacións
1	Zonas de traballo de Preescolar na Casa, que se especifican a continuación: -Provincia da Coruña. Concellos de: 1. Ares, Cabanas, A Capela, Fene, Mugarbos, Neda e Pontedeume. -Provincia de Ourense. Concellos de: 1. Monterrei, Riós, Ombra, Verín e Vilardevós.	A Coruña: 1; de mestres. Ourense: 1; de mestres.	Estudio da zona (recollida de datos, convocatorias e visitas a familias). Planificación e realización de xuntanzas quincenais coas familias, tratando de resalta-lo valor do cotiá, a utilidade dos materiais do contorno, impulsando a reflexión dos adultos e o intercambio entre eles. Contacto coas persoas e institucións da zona que poidan ter relación co traballo (pediatras, asistentes sociais, mestres, etc.). Colaborar cos diferentes medios do programa (revista, radio e televisión). Participar nas reunións de zona e xerais. Comprometerse coa formación. Organización de actividades diferentes ás reunións de orientación (excursións, charlas, exposicións, etc.).	Carné de conducir e dispoñibilidade de vehículo. De acordo coas necesidades do programa, as zonas de traballo poden sufrir modificacións ó longo do curso.

Convenio: Consellería de Familia, Xuventude, Deporte e Voluntariado

Nº de posto	Destino	Prazas	Funcións	Requisitos	Observacións
2	Servicios provinciais (A Coruña e Pontevedra). Dirección Xeral para o Deporte (Santiago de Compostela).	Para mestres ou profesores de ensino secundario coa especialidade E.F. ou licenciados en E. Física: 3.	Desenvolvemento da campaña do deporte en idade escolar. Participación na programación e divulgación da campaña de deporte en idade escolar e as zonas e comarcas da súa área de actuación. Organización e seguimento de competicións deportivas. Coordinación de grupo de traballo e dinamización da campaña. Elaboración de memorias e estatísticas da campaña.	Experiencia en organización de competicións deportivas en idade escolar.	Horario axeitado ás necesidades da actividade deportiva e ó seu desenvolvemento (tardes e fins de semana). Necesidade de desprazamento ás competicións ou servicios de coordinación.

Programa específico: CEE Nosa Señora do Rosario-A Coruña

Nº de posto	Destino	Prazas	Funcións	Requisitos
3	CEE Nosa Señora do Rosario na Coruña.	1 profesor de ensino secundario de lingua castelá. 1 profesor de ensino secundario de física e química.	Impartir docencia a alumnos con deficiencias auditivas.	Profesor de ensino secundario coas especialidades requiridas en cada caso.

Convenio: Fundación para o Desenvolvemento das Tecnoloxías da Información e Comunicación (TIC)

Nº de posto	Destino	Prazas	Funcións	Requisitos
4	Lugo.	1 profesor de ensino secundario.	Dirección e asesoramento técnico-docente.	Experiencia en organización escolar nos niveis educativos de ensino secundario postobrigatorio e formación profesional, coa correspondente acreditación para o exercicio da función directiva. Coñecemento do sector audiovisual fundado preferentemente no desenvolvemento dalgunha actividade relacionada coa produción audiovisual.

Convenio: CaixaNova de Vigo

Nº de posto	Destino	Prazas	Funcións	Requisitos
5	Centro <i>CaixaNova</i> en Vigo.	3 funcionarios do corpo de mestres.	Docencia.	-Un especialista en educación física. -Un especialista en pedagogía terapéutica. -Un xeneralista.

Convenio: Consellería de Emigración

Nº de posto	Destino	Prazas	Funcións
6	IGADI en Baiona.	1 funcionario do corpo de mestres.	Coordinación dos foros bilaterais para a relación entre a diáspora e a Galicia interior.

ANEXO II

Conceptos	Puntuación	Total puntos máximo	Documentos xustificativos
1. Antigüidade: Por cada ano de servizos efectivos prestados na situación de servizo activo como funcionario de carreira dun corpo docente	0,50 puntos	5 puntos	
2. Méritos académicos: 2.1. Polo título de doutor	1 punto	2 puntos	Copia compulsada das titulacións alegadas
2.2. Titulacións de segundo ciclo: por cada licenciatura, enxeñería, arquitectura ou títulos declarados legalmente equivalentes	0,5 puntos		
2.3. Titulacións de primeiro ciclo: pola segunda diplomatura ou os 3 primeiros cursos dunha licenciatura	0,25 puntos		
3. Formación e perfeccionamento: 3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como os organizados polas universidades (0,10 puntos por cada 10 horas de cursos superados acreditados)	Ata 2 puntos	6 puntos	Copia compulsada da documentación alegada
3.2. Por outras actividades de formación e perfeccionamento en materia educativa, incluída a impartición de cursos (0,10 puntos por cada 10 horas)	Ata 1 punto		
3.3. Por actividades de formación específica directamente relacionadas co posto a que se pretende acceder (0,10 puntos por cada 10 horas)	Ata 3 puntos		
4. Publicacións, proxectos, innovacións técnicas: 4.1. Por publicacións de carácter didáctico ou científico, proxectos e innovacións técnicas, de carácter xeral	Ata 1 punto	3 puntos	Documentación orixinal
4.2. Por publicacións de carácter didáctico ou científico, proxectos e innovacións técnicas, relacionadas coa praza que se solicita	Ata 2 puntos		
(Deberán conte-lo ISBN, agás as excepcións recollidas na lexislación vixente)			
5. Proxecto de traballo: O proxecto de traballo deberá conte-los obxectivos, planificación xeral, actividades, xustificación e definición a que corresponde a praza que se solicita	Ata 6 puntos polo proxecto	Ata 6 puntos	Orixinal, cunha extensión máxima de 20 folios
(Puntuación mínima esixida por este epígrafe: 4 puntos)			
6. Entrevista sobre o proxecto presentado. (Puntuación mínima esixida por este epígrafe: 4 puntos)	Ata 6 puntos pola entrevista	Ata 6 puntos	

Concepto	Puntuacións parciais	Total
1. Antigüidade (máximo 5 puntos) Por cada ano de funcionario de carreira no corpo docente.....	0,50	
2. Méritos académicos (máximo 2 puntos)		
2.1. Polo título de doutor.....	1	
2.2. Titulacións segundo ciclo.....	0,5	
2.3. Titulacións primeiro ciclo.....	0,25	
3. Formación e perfeccionamento (máximo 6 puntos)		
3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas (0,10 puntos por c/10 horas).....	Ata 2 puntos	
3.2. Por outras actividades de formación (0,10 puntos por c/10 horas).....	Ata 1 punto	
3.3. Por actividades de formación específica directamente relacionadas co posto a que se pretende acceder (0,10 puntos por c/10 horas).....	Ata 3 puntos	
4. Publicacións, proxectos, innovacións técnicas (máximo 3 puntos)		
4.1. Por publicacións de carácter didáctico, de carácter xeral.....	Ata 1 punto	
4.2. Por publicacións de carácter didáctico relacionadas coa praza que solicita.....	Ata 2 puntos	

Orde do 3 de marzo de 2004 pola que se convoca concurso de méritos para cubrir postos de asesores e/ou asesoras especialistas no Servicio de Formación do Profesorado.

A Xunta de Galicia, a través do Decreto 245/1999, do 29 de xullo (DOG do 1 de setembro), regula a formación permanente do profesorado que imparte ensinanzas de niveis non universitarios en centros docentes públicos e privados concertados da Comunidade Autónoma galega e establece, no epígrafe 2º do seu artigo 1, que a dita formación permanente se desenvolverá a través do Servicio de Formación do Profesorado e dos centros de Formación e Recursos.

Para poder levar a cabo as súas funcións no Servicio de Formación do Profesorado existe un equipo de asesores especialistas de área ou materia, familia profesional, ensinanzas de réxime especial, educación infantil e orientación educativa, sendo competencia da Consellería de Educación e Ordenación Universitaria determina-lo perfil profesional deles, o cadro de asesores, o procedemento para o acceso a esta función e o proceso de avaliación do exercicio dela.

O perfil profesional dos candidatos e candidatas para desempeñar postos de asesores ou asesoras especialistas no Servicio de Formación do Profesorado deberá responder ó dun profesional do ensino de niveis educativos non universitarios capaz de colaborar no desenvolvemento das funcións que o Decreto 245/1999, no seu artigo 3, lle atribúe á Dirección Xeral de Ordenación Educativa e Formación Profesional. E, polo tanto, é importante que posúa unha sólida formación sobre a epistemoloxía, a estrutura e a didáctica da área ou materia, así como un amplo coñecemento sobre os distintos elementos que conforman o currículo.

Neste senso, consideraranse as destrezas básicas no manexo das tecnoloxías da información e da comunicación aplicadas ó ensino, os fundamentos e as estratexias de avaliación e a capacidade de innovación e produción de materiais didácticos.

Debido á existencia de vacantes no cadro de asesores ou asesoras especialistas do Servicio de Formación do Profesorado, cómpre proceder a realiza-la oferta pública destas prazas.

En consecuencia, e en uso das atribucións que ten conferidas, esta consellería

DISPÓN:

Artigo 1º.-Obxecto.

Convócase concurso público de méritos para cubri-los postos de asesores e/ou asesoras especialistas no Servicio de Formación do Profesorado que se especifican no anexo I desta orde.

Artigo 2º.-Concursantes.

Poderán participar neste concurso os funcionarios de carreira dos corpos docentes que imparten ensinanzas de niveis non universitarios, con destino en centros dependentes da Consellería de Educación e Ordenación Universitaria, que reúnan os requisitos xerais fixados no artigo 3º desta orde.

Artigo 3º.-Requisitos.

Os profesores e as profesoras solicitantes deberán reuni-los seguintes requisitos con data do 31 de agosto de 2004:

1. Encontrarse en situación de servizo activo, ou servizos especiais, na Comunidade Autónoma de Galicia.

2. Contar cun mínimo de 3 anos de experiencia docente como funcionario de carreira. Para estes efectos computarase este curso académico.

Artigo 4º.-Instancias e documentación.

1. Instancias.

A) Os participantes no concurso deberán presenta-la súa solicitude mediante instancia axustada ó modelo que se publica no anexo II desta convocatoria, indicando as prazas que se solicitan por orde de preferencia.

B) A instancia, así como a documentación á que se alude no artigo 4º 2 desta convocatoria, poderán presentarse no rexistro xeral da Consellería de Educación e Ordenación Universitaria (edificio admi-